

新刻太醫院發刻醫家必究本死生春卷之八

太醫院史 紹庄 徐文元 發刻

醫正 活絡 芮 經 彙集

太醫院醫官雲林 龔廷賢 校正

秣陵後學 文麓 紀夢德 訂正

金陵書坊 蔣氏 石渠閣 梓

○疔腫

夫疔瘡者以其瘡形如疔蓋之狀是也其種有麻子疔狀如黍米稍黑四邊微紅極痒有石疔皮肉相連色如黑豈甚硬刺之不入肉微痛有雄疔其狀炮頭黑靨四畔仰炮漿起有水色黃大如錢孔形高有雌疔其色稍黃向裏靨四面炮漿起心凹色

赤形如錢孔。有火疔。其瘡頭黑。靨如湯火燒灼。四邊有煙漿。又如赤粟。有爛疔。其狀稍黑。有白癩。潰有膿水。大如匙面。有三十  
六疔。其狀頭黑。浮起。形如黑荳。四邊起赤色。今日生一。明日生  
二。及至十數。若滿三十六。藥所不能治。未滿其數。可治也。有蛇  
眼疔。頭黑皮浮。形如小荳。狀似蛇眼。大體硬實。有鹽膚疔。大如  
匙面。四邊皆赤。有黑粟粒起。有水洗疔。大如錢形。瘡頭裏黑。靨  
有汁出。有刀鏹疔。其狀潤如薤葉。長一寸。左則肉黑。如燒烙。有  
浮漚疔。其瘡體曲圓。少許。不合長而狹。如薤菜。內黃外黑。黑處  
刺之不痛。黃處刺之痛。有牛拘疔。其狀肉色。頗起。指不破。然雖  
有十三種名狀。皆不離於氣。客經云。或食甘肥過度。不惜酒色。  
邪熱蓄積而生。其初生也。頭凹腫痛。青黃赤黑。無復定色。其瘡  
先痒後痛。或先寒後熱。或熱定則寒。四肢沉重。心驚眼花。或煩

躁悶亂。或增寒頭痛。或嘔吐心逆。以鍼刺瘡。不痛無血。是其候。經曰。膏梁之變。足生大疔。此之謂也。如針不痛。其人眼黑。或見火光者。不可治也。凡瘡之法。皆刺瘡心。至痛處。又刺四邊十餘下。令血出。去血敷藥。藥力得入。鍼孔中則佳。若不達裏。藥力不到。又有口中頰邊舌上有赤黑如珠子。瘡上按之。殄痛應心者。乃是秋冬寒毒。久結皮膚中。變作此瘡。不急瘡之。日夜根長。流入諸脉。數道。如箭入身。顛掉不已。更不慎。口味房室。无石湯火。麻鐵。噴怒愁恨之類。然不旋踵。經五六日不瘥。心神昏昧。口乾心煩。嘔吐不定。但在手足頭面。胸背骨節間最急。餘處稍緩。治之宜早。倘遲。毒氣入腹。則煩悶恍惚似醉。如此者。三二日死矣。有發於手足。生黃泡。其中或紫黑色。有一條如紅線。直上急用鍼於紅線止處。刺出惡血。後以麝酥乳香膏。瘡上貼之。鍼而病

者。知痛出血爲好。否則入腹攻心。必致危困。不可治也。但秋深多有此症。治之勿緩可也。

○脉症捷言

經云。脉浮而熱。身體無熱。形之嘿嘿。胸中微燥。定發惡毒。

又云。脉微而遲。反發熱。弱而數。反振寒。當發症腫。

脉之沉實。其症發於內之外者。

脉之浮數。其症發於外之內者。

凡毒初生。便覺壯熱惡寒。拘急頭痛。精神不寧。煩燥欲飲冷者。

毒必深也。如起居平和。飲食如常者。毒必淺也。

凡惡瘡初生。如頭似粟。微有痛癢。畏觸破之。卽熨展。

凡疔瘡。用鍼刀刺破頭。用蟾酥敷之。再以菘荳野菜莎酒。搗攪

汁飲之。醉睡覺。卽痛定。熱除。不必去。疔自愈。或用紫梗菊

花連根葉搗酒攪汁飲之亦効。

山茨菰磨酒服之取微汗更妙。

凡諸毒瘡痛不可忍者宜以黃連黃芩為君。詳上下根稍以引經之藥為佐。

〔病〕疔瘡初起以千金托裏散主之。方見七卷內。

〔病〕惡瘡發熱煩燥外無焮赤痛深在內乃邪氣沉於裏也故先疎通以絕其源必以黃連等之類。

〔方〕黃連湯

黃連 當歸 芍藥 木香 檳榔 黃芩

薄荷 桔梗 甘草 連翹 大黃 各等分

右取咀水煎熟論患之上下食之先後服之。

〔治〕一切惡疔初覺增寒疼痛以赤芍藥湯主之。方見五卷內。

病惡瘡焮腫在外邪既外顯熱則內行或汗或托裏以防入內

為患也

方荆防敗毒散

荆芥

防風

人參

羌活

獨活

前胡

柴胡

桔梗

枳殼

茯苓

甘草

川芎

右咬咀水煎熟溫服

病若形質實脉洪滑有力疔腫焮關便閉以五和大黃湯

方五和大黃湯

大黃

升麻

黃芩

朴硝

右咬咀用水煎熟溫服

病瘡毒作渴不問腫潰但脉數發熱者宜竹葉等之類

方竹葉黃耆湯

澹竹葉

地黃

麥門冬

黃芪

當歸

川芎

芍藥

人參

甘草

半夏

石膏

黃芩

右改咀水煎熟不拘時服

〔治〕疔毒始發必先當頭灸之以開其戶次詳所發分野屬何經

刺則內用所屬經藥引經以發其表外刺所屬之經俞穴

以泄其邪

〔病〕太陽經一切諸瘡夫瘡由濕熱而生法當清理濕熱為是經

云風能勝濕寒能勝熱故用防風防已等以疎濕諸苦寒

以勝熱佐人參等理氣理血以瀉火也

〔方〕黃連消毒飲

防風 一錢

羌活 一錢

防已 七分

獨活 一錢

黃芩 一錢  
桔梗 七分  
黃柏 一錢  
連翹 一錢

知母 一錢  
人參 一錢  
橘紅 八分  
黃芪 一錢

川歸 二錢  
生地 一錢  
蘇木 七分  
甘草 六分

右咬咀用水二升煎一升半或用酒煎亦可。

治疔瘡始覺能令速消以黃連消毒湯主之。方見七卷內。

疔疔腫魚精瘡煩渴拘急肢體疼痛四肢沉重恍惚悶亂坐臥

不寧大小便閉澀以漏蘆湯治之。

方漏蘆湯

漏蘆 白欬 黃芩 麻黃 枳實 升麻

白芍藥 甘草節 朴硝 各一錢 大黃 二錢氣虛減半

右咬咀用水煎熟空心服

治疔瘡煩躁作渴以竹葉黃芪湯主之。方見本卷前。



治疔瘡毒攻心腹嘔吐惡心以護心散主之 方見七卷內

疔瘡諸癰一切無名腫毒初起增寒壯熱甚者頭痛拘急狀

似傷寒一日至四五日者二三劑以衰其毒輕者則內自

消散若至六七日不消宜服真人活命飲後服托裏消毒

散調理

方連翹散毒散

柴胡 桔梗 羌活 川芎 茯苓 枳殼

前胡 獨活 連翹 金銀花 防風 荊芥

薄荷 甘草 各等分

右咬咀生薑煎瘡在上食後服在下食前如熱甚并痛甚加

黃連青葙。○如大便不通加大黃芒硝下之

病一切疔腫不問陰陽虛實善惡腫潰大痛或不痛然當服於

未潰之先與初潰之時如毒已大潰更不宜服初用此劑  
大勢已退然後隨症調治其功甚捷誠仙方也

〔方〕真人活命飲

穿山甲 三大片切碎以蛤粉炒過 天花粉 甘草節

乳香 白芷 赤芍藥 貝母 各一錢 防風 七分

沒藥 當歸尾 酒洗一錢 陳皮 錢半 金銀花 三錢

皂角刺 五分

右咬咀一劑用好酒一鍾半以紙密封灌口勿令泄氣煎至

一鍾隨瘡上下以分飢飽溫服能飲酒者服後再飲三五

盃忌酸薄酒鐵器服後少臥覺痛定回生神功浩大不可

億度再看症加減○在背俞倍皂角刺○在腹募倍白芷

○在胸次加瓜蒌仁二錢○在四肢倍金銀花

病

一切疔疽六七日未消者服此藥瘡未成即消已成即潰能壯氣血固脾胃使毒氣不得內攻膿毒易潰肌肉易生切不可早用生肌之藥恐毒氣未盡反增潰爛如有瘡口傾也

方托裏消毒散

黃芪 蓋水炒 天花粉 各二錢 防風 當歸 酒洗 川芎

白芷 桔梗 炒 厚朴 薑製 穿山甲 炙

皂角刺 炒各一錢 金銀花 陳皮 各三錢

右用水酒各一鐘煎至七分在上食後在下空心二服後只

用水煎服

病

一切疔腫瘡毒才開已成未成但欲痛者以槐花酒散之

花酒 槐花四五兩微炒黃。乘熱入酒二鍾煎十餘沸去渣熱服。

未成者一二服即消。已成者三二服即愈。

治一切疔瘡等毒及喉閉乳鵝不問已潰未潰者。

方 金銀花酒

金銀花連莖葉搗爛取汁半鍾和熱酒半鍾溫服甚者不

過三五服可保無虞。如秋冬無鮮者以收下乾者用水煎

熟和酒服。

治疔瘡癰背癩瘰疔瘡。

方 鐵桶膏

蕎麥稈灰淋二碗熬至一碗下

血竭

乳香

沒藥 各三分 為末入汁內再熬去半碗取下待冷入

黃丹 八分

雄黃 八分

硃砂

好石灰

八錢

右爲極細末，其一處放藥汁內攪勻成膏，磁器收貯。用三稜  
針刺破，將藥入內，直送深入到底，不三四次全愈。

○癰癧

夫癰癧皆由恚怒氣逆，憂思過甚，風熱邪氣內搏於肝，蓋怒傷  
肝，肝主筋，故令筋畜結而腫。其症多生於頸腋之間，結聚成核，  
初如荳粒，後若梅核，或在耳後，連及頤頰，至缺盆，在鎖字骨陷  
中，皆爲癰癧。手少陽三焦經主之，或在胸及胸之側，皆爲馬刀  
瘡。足少陽膽經主之。二經多氣少血，癰癧者，拍其累累相連，歷  
歷三五枚，久久不消，漸漸長大。按之則動而微痛，不增寒壯熱，  
惟午後微有熱，或夜間口乾，飲食少思，四肢倦怠，是以堅而不  
能潰，上而不能合，有風毒者得之於風，熱毒者得之於熱，氣毒  
者得之於氣，乃風熱邪氣蘊結乃成，皆由氣血不足，徃徃變爲

勞者經云。此不繫膏梁丹石之變。因虛勞氣鬱所致。宜補形氣。調經脈。則未成者自消。已成者自潰。若不詳經絡。血脈多少。脉症受病之異。卒用牽牛斑蝥。及流氣飲。十宣散。則血氣已損。而實虛虛之禍。如拍諸掌。脉陳靡升。兩症欬內。

**治**瘰癧和血通經服之自消以玉燭散。

**方**玉燭散

當歸

菊葉

川芎

芒硝

熟地黃

黃芩

各一錢

甘草

五分

大黃

看人虛實加減

右以咀。用生薑二片。水煎熟。空心溫服。

**病**懷抱挹鬱。瘰癧流注。或四肢患腫。肉色不變。或日晡熱。或潰

而不斂。以益氣養榮之劑。

**方**益氣養榮湯

黃芪 蜜炙

人參

白朮

炒各一錢五分

當歸

酒洗

川芎

白芍

酒炒

生地黃

陳皮

香附

貝母

各一錢

柴胡

地骨皮

桔梗

炒

甘草

炙各五分

右咬咀一劑水煎食遠服。

如有痰加橘紅。刺痛加青皮。或木香。○午後有熱或頭

微眩加酒炒黃柏。○膿水清倍參芪當歸。○女人有鬱氣

胸膈不利倍香附貝母。○月經不調加牡丹皮當歸。

**病** 瘰癧為七情所發以五香連翹湯主之。

方見七卷內。

**病** 有瘡結硬如石或在耳下或至缺盆中動之無根名曰馬刀。

或有上或於脇下皆手足少陽經中及瘰癧在頰或至頰

車堅而不潰或足陽明經中所出或二症瘡破膿流並以

散腫潰堅湯治之。

〔方〕散腫消堅湯

黃芩

酒炒一半八錢

草龍胆

酒洗炒四次

桔梗

瓜蒌根

酒洗

黃蘗

酒炒

知母

昆布

各五錢

柴胡

一錢

甘草

炙

三稜

酒洗

桔梗

連翹

各三錢

乾葛

白芍藥

當歸鬚

黃連

酒炒各二錢

海藻

炒

升麻

各五錢

右件咬咀每貼一兩煎去渣食後熱服於臥處神足在鬪頭

低垂每含一口作十次嚥服服畢依常安臥取藥在膈上

停故也另攢半料作細末煉蜜為丸如棗豈大每服百餘

丸用此藥汁留一口送下

〔治〕癰癧宜先用益氣養榮湯數十服後服此

〔方〕內消散



硃砂 一錢  
血竭 二錢  
斑蝥 去翅足三分生用

右爲細末。每服一分。空心燒酒調服。未破者三五日立消。已破者內服此藥。外用金頭蜈蚣一條。研極細末。用麻油一小鍾。浸二旦夕。搽患處。其瘡卽腫潰。過二三日腫消。可貼膏藥。瘡勢大者。二十日痊。小者十餘日平復。

〔治〕瘰癧成痿。外用塌腫湯。及洗毒湯。塌洗瘡腫。

〔方〕塌腫湯

芍藥 丹參 黃芩 白欬 各等分

右咬咀。每用五錢。水一升。煎十沸。帛蘸。頻湯之。

〔方〕洗毒湯

苦參 防風 甘草 露蜂房 各等分

右咬咀。每用五錢。水煮濃汁。洗瘡腫處。

治瘰癧遠頸。或至頰車。此皆出足陽明胃經中來。若瘡深遠隱曲肉底。是足少陰腎經中來。乃戊脾傳癸腎。是夫與妻俱作塊子。堅硬大小不等。並以升麻調經湯。或作丸藥服之。尤可。

方升麻調經湯

升麻

八錢

黃芩

酒浸五錢  
生四錢

葛根

草龍胆

蓬朮

三稜

甘草

炙

黃連

連翹

各五錢

桔梗

五錢

當歸鬚

芍藥

各三錢

黃蘗

二錢

知母

一兩

右咬咀。每服五錢。旋加至七八錢。水浸半日。煎瀝清。臨臥熟服。足高去枕仰臥。嚙一口。作十次嚙之。另合半料作末煉蜜丸。如棗葢大。每藥罇一口。送下百餘丸。

治瘰癧并痰核結硬。以老君丹主之。

方老君丹

老君鬚

四分

紫背天葵

三錢

乳香

沒藥

紅麴

防風

紅花

各三分

梔子

五分

草薺仁

一錢

歸尾

八分

川芎

四分

血竭

五分

孩兒茶

五分

土茯苓

金銀花

白芥子

各五分

右件共搗粗末。先用獨蒜一個順搗爛入好酒一碗濾去渣入藥內重湯煮一時。食後臨臥服。三劑全消。妙不可言。

治癰瘡已破者。搽上即好。

丹青散

銀硃

一錢

銅青

一錢

松香

五分

右件研細末。有水乾付之。如乾燈油調搽。

治癰瘡已成。必以天葵丸主之。

方天葵丸

紫背天葵

一兩五錢

海藻

海帶

昆布

貝母

桔梗

各一兩

海驃蛸

五錢

右為細末。酒糊為丸。如梧桐子大。每服七十九。食後溫酒下。

治瘰癧潰爛臭不可聞。久不能愈。用此神效。

方代灸散

官粉

雄黃

各一錢

銀硃

五分

麝香

二分

右為細末。用槐皮一片。將針密密刺孔。置瘡上。上摻藥一撮。以炭火灸熱。其藥氣自然透入瘡中。痛熱為止。甚者換三次。輕者二次全愈。

治馬刀瘡在缺盆。或在耳下。堅硬如石。動之無根。或生兩脇。或

已流膿作瘡。或未破者。以連翹散堅湯。及救苦化堅丸主

之

方連翹散堅湯

柴胡 一兩二錢

草龍胆

天花粉 各一兩

廣木

當歸鬚

三稜

連翹

芍藥 各五錢

黃芩

酒炒五錢 生五錢

甘草 三錢

黃連

蒼木 各二錢

右咬咀。每服旋加至七八錢。水浸半日。煎濾清。臨臥熱服。足

高去枕。仰臥噙一口。作十次嚥之。另合半料作末。煉蜜丸。

如棗豈大。每藥留一口。送下百餘丸。

方救苦化堅丸

黃芪

漏蘆

升麻

連翹

羌活 各二錢

甘草 炙

葛根

獨活

防風 各一錢

大麥蘖 二錢

人參

牡丹皮

當歸身

生地

熟地黃

白芍藥

鼠粘子

蓬朮

黃連

酒浸

黃蘗

酒焙各六分

肉桂

昆布

京三稜

益智仁

神麴

厚朴

各四分

柴胡

一錢六分

右件依法製度為末。湯浸蒸餅為丸。劑捻作餅子。日乾搗如

米粒。每服三錢。用白湯食遠送下。

治馬刀瘡。以柴胡連翹湯。或消腫湯。

方柴胡連翹湯

柴胡

連翹

黃芩

炒

知母

各五錢

黃蘗

酒洗

生地黃

甘草

炙各三錢

中桂

三分

瞿麥

六錢

鼠粘子

二錢

當歸鬚

一錢五分

右咬咀。每帖一兩。用水煎。食遠溫服。

方消腫湯

鼠黏子

甘草 各五分

黃連 四分

當歸 稍

黃芪

黃芩

柴胡 各一錢

天花粉 七分

連翹 二錢二分

紅花 少許

右咬咀。水煎熟。食後溫服。

治瘰癧大便閉結。以牡蠣大黃湯。踈下兩三行。

方牡蠣大黃湯

牡蠣

木香

大黃 各等分

右剉。春夏露一宿。冬月暖處放一宿。空心服。

治瘰癧未破。以馬鞭草為末。加麝香少許。和勻。每服二錢。白湯

食後調服

○附骨疽

夫附骨疽者。以其毒氣深沉。附著於骨也。此疾與賊風相類。而

不同。人不能辯治之。悞矣。蓋附骨疽者。由秋夏露臥。爲折之風。熱伏結附骨成疽。賊風之候。由風邪之氣。搏於骨節。故其痛深。徹骨髓。遇寒則痛甚。附骨疽痛而不能轉。初按之。應骨皮肉微急。洪洪如肥狀者是也。其賊風皮骨不甚熱。索索惡寒。時復汗出常。欲熱熨痛處。卽得少寬也。附骨疽初時但痛。無時乍寒乍熱。而無汗者。經久不消。極陰生陽。寒化爲熱。而潰也。賊風不治。久而變爲彎曲偏枯。所以不同也。認是賊風。則服引越胛治風之劑。卽得差矣。認是附骨疽。急宜服漏蘆湯。或五香連翹散。踈下之。次用內消升麻湯。及湯潰膏貼之類。縱不能消。亦得浮淺。又有緩疽石疽。與附骨疽亦相類。所異者。蓋緩疽石疽。皆寒氣所作。深伏於骨髓之間。有腫與皮肉相似。若疼而堅硬如石。故謂之石疽。緩疽其熱緩慢。積日不潰。久乃亦紫黯色。皮肉俱爛。



故名曰緩疽。此二者其治初覺便宜補虛托裏。溫熱之劑以取消散。其次調治臨疾制宜。故不復具載矣。

**治**環跳穴痛不已。防生附骨。以散毒飲子土之。

**方**散毒飲

蒼朮 三錢 黃蘗 酒洗一錢五分 細辛 青皮 牛膝

桂枝 條芩 酒洗各一錢 甘草 五分

右咬咀水煎。入生薑自然汁一蛤殼。食前熱服。

病甚恐黃蘗桂枝十數貼。發不動。少加麻黃三四貼。又不動者。

恐癰將成。急掘地坑。以火燉紅。沃以小便。赤體坐上。以被

席圍抱下體。使熱氣重蒸。腠理血開。氣暢而愈。

**治**左大腿生附骨癰。不轉肉色漫腫。皮澤木硬。其左乃厥陰肝

經之分。以內托黃芪湯主之。

方內托黃芪湯

生地黃 黃藥 各五分 肉桂 羌活 當歸 鬚 各八分

天花粉 酒洗 柴胡 連翹 各一錢 黃芪 一錢五分

右咬咀用酒一分水二分煎八分空心熱服

治附骨疽其肉色不變痛不可忍宜先以消毒流氣飲主之

方消毒流氣飲

黃芪 一錢 當歸 川芎 白芷 人參 防風

桔梗 烏藥 檳榔 白芍藥 枳殼 厚朴

官桂 木香 紫蘇 甘草 生各四分

右咀用酒一鍾水一鍾同煎熱食遠熱服忌一切發物

治附骨疽堅硬漫腫不辨肉色行步作痛按之尤痛以黃芪柴

胡湯主之

方 蓄茂柴胡湯

蓄茂 一錢五分 當歸鬚 一錢二分 柴胡 鼠粘子

連翹 各一錢 肉桂 升麻 甘草 炙 黃蘗 各九分

右咬咀用酒一分水二分煎八分空心熱服

治附骨疽痛甚乍寒乍熱以漏蘆湯治之。

方 漏蘆湯

漏蘆 白欬 黃芩 麻黃 枳實 升麻

白芍藥 甘草節 朴硝 各一錢 大黃 二錢或錢氣

右咬咀水煎八分空心熱服 或五香連翹湯方見七卷

或成用內消升麻湯主之

方 內消升麻湯

大黃 有人虛 升麻 一錢五分 黃芩 枳實

當歸各一錢

甘草

赤芍藥

各五分

右咬咀水煎八分食前熱服忌一切發物

凡治大毒藥無全功必須鍼灸蓋用艾之功甚大能使毒散帶

行是以謂大毒若不鍼灸則毒氣無由而散膿瘀無從而

泄故此必從火力始能成功故以灸法治未潰能拔引鬱

毒行散滯氣使毒易潰能接引陽氣祛散寒邪使瘡口易合

凡疽毒始發必先當頭灸之以開其戶次詳所發分野屬何經

味則內用所屬經藥引經以發其表外刺所屬之經俞穴以泄其邪

○陰瘡

大陰瘡者大槩有三等一者濕陰瘡二者妬精瘡三者陰蝕瘡

又口下疳瘡蓋濕瘡者由腎經虛弱風濕相搏邪氣乘之瘙痒

成瘡浸淫汗出狀如疥癬者是也妬精者由壯年精氣盈滿久

疔多室陰上生瘡赤腫作疔妨悶痒痛者是也陰濕瘡者由腎  
臟虛邪熱結下焦經絡痞澁氣血不行或房勞洗浴不潔以致  
生瘡隱認不醫焮腫尤甚袖瘡在裏措手無方疼痛注悶或小  
使如淋陰丸腫痛是也或經十數日潰爛血膿肌肉侵蝕或血  
出不止以成下疳身體壯熱煩渴惡寒宜急治之

治下疳腫去溺澁疼先因妬精瘡用乾藥大緊致毒不散或  
服金石秘精之藥壅遏不得宣流或戲用女色煖爐之藥  
取一時之快不知熱毒反着自身三者俱能蘊結成腫閉  
塞竅道致使莖腫塞疼並以五苓散以滌其內用荆芥木  
通甘草湯淋洗以宣其外

方五苓散

方見三卷內

治莖上濕痒作瘡及注幹瘡並以柴胡當歸湯主之

〔方〕柴胡當歸湯

柴胡 二錢五分 黃芩 半夏 人參 各一錢五分

甘草 五分 生薑 五片 棗子 二枚 生地黃 一錢

右咀水引煎八分。食前熱服。外用大荳甘草湯

〔方〕大荳甘草湯

甘草 三兩 丹參 黃芩 白欬 各等分

右咬咀每用五錢水一升煎十沸。帛蘸頻湯之。

加陳荷葉花椒煎湯洗淨患處以孩兒茶散時時敷上。

〔方〕孩兒茶散

黃連 二錢 孩兒茶 一錢 爐甘石 五錢 煅紅黃連

輕粉 五分 龍腦 一分

右各研細和勻時常用甘草湯溫洗淨乾敷神效

○下疳大便實以漏蘆湯踈之 方見本卷前

○下疳發熱作渴以竹葉黃芪湯加柴胡主之 方見七卷內

○下疳大便軟以托裏茯苓湯治之

○托裏茯苓湯

防風 桔梗 白芍藥 川芎 五味子

甘草 炙 官桂 麥門冬 熟地黃 各六分

當歸 黃芪 茯苓 各九分

右爰咀水煎八分食前熱服

○治下疳注幹膿水交流寒熱頭疼以托裏當歸湯加柴胡主之

○托裏當歸湯

當歸 黃芪 人參 熟地黃 白芍

甘草 炙 柴胡 白芍藥 各一錢

右咬咀水煎八分食前熱服

治肝經濕熱不利陰囊腫痛或膿潰皮脫畢丸懸癰及下疳瘡

並皆治之

方瀉肝湯

當歸尾

赤芍

生地黃

防風

黃連

炒

黃柏

知母

酒炒

澤瀉

龍胆草

酒浸炒

車前子

炒

各一錢

甘草

稍五分炙

右剉一劑水煎八分次早空心熱服

治下疳瘡甚久不痊愈用此珍珠散敷之神效

方珍珠散

黃連

木

黃柏

木

乳香

沒藥

孩兒茶

輕粉

官粉

五倍子

珍珠

象牙

各一分



右爲極細末以米泔水洗淨摻患處即痊。

治下疳陰頭生瘡腫痛。一名蠟燭發以鳳凰散主之。

方鳳凰散

抱過鷄卵殼

黃連

輕粉各等分

右各研爲極細末。用真香油調搽神效。

治下疳瘡發甚疼痛不可忍用此白金散治之。

方白金散

黃栢分作手指大條慢火炙熟。淬猪胆汁中。用二枚。每炙  
每淬汁盡爲度。研細入輕粉錢餘。用真香油調敷患處。效

驗。

治疔瘡久不爲愈用此洗疔湯洗之。

方洗疔湯

川練子

黃連

瓦松

花椒

菘根

艾葉

各等分

右件。用水煎。傾入盆內。用青布一塊。展洗瘡上。立効。

○楊梅瘡

方至靈散

土茯苓 二兩

白花蛇 三分

防風

荆芥

薄荷

金銀花

皂角刺

牙皂

白蘚皮

當歸

五加皮

地骨皮

川芎

薏苡仁

人參

黃芩

牛膝

木通

甘草

右咬咀。水煎。熟。空心服。忌一切發物。

治楊梅瘡。腫發甚。不可言用此硃砂丸主之。

方硃砂丸

硃砂二錢

雄黃一錢五分

苦參

荆芥穗

天麻

麻黃

牛蒡子

面粉

槐角子

各三錢

右為細末。用糖心鷄蛋為丸。如梧桐子大。每服三十九。用鷄

湯或

酒送下

一服。表出毒氣。再不服。忌房事勞

碌神効

治楊梅如天泡瘡。兼治發背毒瘡。

神仙湯

防風

牛膝

五加皮

威靈仙

白芷

當歸

連翹

白蘚皮

各一兩

牙皂

木香

皂角刺

天麻

各三錢

白芷

各一劑

用土茯苓

二斤

右吹咀。二十劑。水煎。早晚各一服。服盡除根。忌茶醋菜葷豆

腐。鮮雞。鮮鶩。牛羊等發物。

治楊梅瘡腫如番花石榴以神効散治之無出此方。

方神効散

肥皂子四兩打碎何首烏 荆芥 苦參 天花粉各一兩

右俱為末合一處每服一錢用土茯苓五兩猪脂油二兩水

六碗煎二碗分作三次服忌牛肉燒酒茶鐵器。

方回生保命丹治楊梅天泡筋骨痛疔瘡輕粉毒風癬漏腫毒

一切頑瘡不拘新久並皆治之

當歸炒二錢川芎 三錢 白芷稍三錢舊槐花一兩乳香五分沒藥五分

輕粉四分硃砂四分雄黃三錢牛黃四分小丁香一錢

血竭一錢兒茶一錢

右為末用紅棗黏大米粉打糊為丸如黍米大每服十九用

土茯苓四兩牙皂半個同煎吞藥一日三服忌母猪肉

醬醋茶房事燒酒臘手葱蒜

治楊梅天泡等一切惡腫毒瘡

方三黃敗毒散

防風

荆芥

連翹

白芷稍

當歸尾

赤芍

黃芩

黃連

梔子仁

地骨皮

五加皮

白蘚皮

木瓜

苦參

蟬退

金銀花

薏苡仁

殭蚕

皂角刺

蒺藜子

黃柏

甘草

川芎

土部瘡多倍用

木通

下部瘡多倍用

以上各二兩

右咬咀用淨土茯苓白者三斤共剉作五十劑每日一服水

煎服忌茶鹽牛肉燒酒○瘡痛加羌活獨活○體虛去樞

子加人參茯苓

治楊梅惡瘡腫痛。及治瘡疾亦效。

方一粒金丹

砒以蕎麥包。灰火煨令焦。取出去麩。稱一兩。雄黃

硃砂各一錢五分。蕎麥麩炒一錢。

右共為末。水煮蕎麥糊為丸。如豌豆大。每一粒。空心涼水下。

一日一服。七日効。忌熱物。

治楊梅瘡初起。服此藥神効。

方驅毒散

土茯苓二兩

白花蛇三分

防風

荆芥

薄荷

牙皂

金銀花

皂角刺

白蘚皮

川芎

當歸

薏苡仁

人參

黃芩

牛膝

木通

甘草各一錢

右咬咀水煎熟溫服。

治一切楊梅天泡及遠年近日頑瘡。

方抵金丹

細辛 白芷 麻黃 金銀花 桂皮

當歸 防風 甘草各一兩 牙皂十箇 龍骨火燉

乳香 沒藥 孩兒茶 丁香各二錢 為末

右前藥十味共為末每服不拘多少以土茯苓煎水去渣入藥在內攪勻再煎一二沸取出候溫加後四味末於內再加蜜一筋頭以棗肉為丸溫服用土茯苓湯頻服之亦可。

治楊梅瘡點藥如神。

方千金散

乳香

沒藥

血竭

雄黃

杏仁

去皮尖油  
各一錢

輕粉

兒茶

枯礬

各五分

膽礬

三分

麝香 一分

右各件共為細末用雄猪胆汁貼洗然後摻藥患處

治患楊梅悞服輕粉以致筋骨疼痛久而不愈服此

方香鱧湯

茜草

麻黃

烏藥

各一撮

細茶

槐子

炒焦

花焦

各五錢

乳香

一錢

魚鱧

三錢

用頃麻炒成珠去麻

右以咀用生薑五片葱五根水煎一鍾通口服二三劑即愈

不發

病遠年梅瘡風漏或筋骨疼痛或近日初起服此劑神効

方登瀛散



土茯苓 二斤

防風

荊芥

五加皮

白鮮皮

木瓜 各一兩半

當歸 酒洗

川芎

白芍

牛膝

生地黄 酒洗

白茯苓

去皮

杜仲 炒

白芷

地骨皮

青藤

槐花

黃連 各一兩

威靈仙

一兩半

右咬咀十劑。每劑用水一鍾半。酒一鍾。煎至一鍾。初一帖。用

芒硝大黃各二錢。臨熟一下離火。瘡在上。食後服。在下。食

前服。渣再煎。餘不用硝黃。每日一帖。將逐日藥渣晒乾。積

三四次者。用鍋煎熬。候溫洗浴。初服五帖之內。瘡勢覺盛。

乃毒氣攻外。勿惧。輕者至十帖。重者倍之。立見奇功。服藥

時。要忌房事。生冷煎燂。母鷄。鵝。羊。猪頭蹄。鰕魚。此皆動氣

之物。葷蒜。燒酒。牛肉。并皆忌之。

(治)楊梅瘡已服輕粉愈後。手發癩。或手掌上皮退一層。又退一

層生生不絕者。名曰鵝掌風。

**方** 蒼耳散

蒼耳子 金銀花 皂角刺 防風 荆芥

連翹各一錢 天麻 前胡 蛇床子各五分

牙皂 甘草 土茯苓 各三錢

右咬咀。用生薑三片。川椒一撮。水煎不拘時服。

**治** 楊梅瘡。愈後鵝掌癬瘡。年久不瘥。一擦如掃。

**方** 玉脂膏

牛油 相油 香油 黃蠟 各一兩 溶化待溫入

銀硃 一錢半 官粉 二錢 麝香 五分

右為末。入內攪勻。抹癬上。火烘再擦。再烘如神。

以上治療楊梅瘡毒。服藥俱是王道之劑。療之無不効驗。

服之無有後患。但輕粉止可施點。搽搽實瘡門之捷藥也。稍一悞服。則將來傾肌露骨。釀禍豈淺鮮哉。用斯者慎之戒之。

○時毒

夫時毒者。為四時邪毒之氣。而感之於人。其候發於鼻面耳項。咽喉赤腫。無頭。或結核有根。令人增寒發熱。頭痛肢體痛甚者。恍惚不寧。咽喉閉塞。人不識者。將為傷寒。便服解藥。一二日腫氣增益。方悟始召瘡醫。原夫此疾。古無方論。世俗通為丹瘤。病家惡言時毒。切恐傳染。考之於經。曰。人身忽經變。赤狀如塗丹。謂之丹毒。此風熱惡毒。所為謂之丹瘤。與夫時毒。特不同耳。蓋時毒者。感四時不正之氣。初發狀如傷寒。五七日之間。乃能殺人。治之宜精。辨察先診其脈。滑數浮洪。沉緊弦澀。皆其候也。蓋

浮數者邪氣在表也。沉澁者邪氣深也。認是時毒氣實之人。急於大腑以攻之。熱實以不利。大黃湯下之。其有表症以升麻荷葉湯以發之。頭面赤腫以梔子仁散。或葛根牛蒡子散。經經三四日雖未解不可便下。只宜和解。以有犀角散。連翹散之類。至七八日大小便通利。頭面腫起高赤。煩躁發渴。以竹葉黃芪湯去半夏。加升麻犀角解散。煩熱更宜針鍊砭刺出血。泄其毒氣。十日外必自愈也。其熱若劇甚而毒必深。患者每日須用通氣散三五次。喘鼻取嚏十餘聲。易能消散。嚏出膿血。治之必愈。但喘藥不作嚏者不可治也。况此毒又能傳染。其左右侍病之人。日用此藥。喘之取嚏。庶幾可以避忌也。若五日以前精神昏亂。咽喉閉塞。語聲不出。頭面不腫。食不知味者。是死之候。失治則無救。然而此疾有陰有陽。有可汗。有可下。嘗見龕工但云熱毒。

只有寒藥殊不知病有微甚治有逆從不可不審矣此與前類  
大頭天行病同因未盡其詳又錄于此宜當參看

**治時毒頭面紅腫大便閉實以太黃湯下之**

**方大黃湯**

大黃 酒浸氣減半 黃芩 升麻 各二錢

芒硝 山梔仁 各一錢二分

右咀水煎熟空心熱服

**治頭面紅腫疔瘡增寒身熱以升麻荷葉湯主之**

**方升麻荷葉湯**

升麻 葛根 蒼朮 白芍藥

荷葉 各一錢 甘草 五分

右咬咀水煎食遠服

治時氣頭面赤腫或咽喉閉塞不通須取嚏噴七八遍泄出其

毒則瘥以通氣散若傍人畏其傳染以此藥取嚏噴尤佳

方鼻嚏通氣散

玄胡索 一錢五分 猪牙皂角 灸去弦子 川芎 各一錢

藜蘆 五分 躑躅花 二分五釐

右為細末每用紙捲子蘸一米許絰於鼻中取嚏噴為度

治時氣熱毒咽喉腫痛或腮腫疼或口舌生瘡以犀角散主之

方見六卷內

治時毒三四日宜和解以連翹湯主之

方連翹湯

連翹 山梔仁 甘草 防風 各等分

右吹咀水煎熟食遠溫服

治時毒身熱煩躁腫赤尤甚以竹葉黃芪湯主之 方見七卷內

治時毒頭面腫赤非是俗云拖頭火丹乃大頭天行病也以葛

根牛蒡子散主之。

方葛根牛蒡子散

葛根 牛蒡子 管仲 甘草 荳豉 各五錢

右件共為細末每服三錢用水調服

治頭面赤腫大便燥實以梔子仁散主之。

方梔子仁散

梔子仁 鬱金 枳殼 升麻 牛蒡子

大黃 各五錢

右件共為細末每服三錢蜜水調下。

治頰腮腫痛或一邊兩邊皆腫增寒身熱頭疼骨痛俗云瘡腮

亦時毒也。以荆防敗毒散主之。方見六卷內

○癘風

大風病是受天地間殺物之風。古人謂之厲風者。以其酷烈暴悍可畏耳。人得之者。可分在上在下。施治在上者。以醉仙散取涎血於齒縫中。出在下者。以通天散取惡物陳蟲於穀道中。取出。雖道路之殊。然皆不外乎陽明一經。須看其疣瘡與瘡。若上先見者。上體多病。在下也。下先見者。下體多病。在下也。上下同得者。在上復下也。陽明經胃與大腸也。無物不受此風之入人也。氣受之則在上多。血受之則在下多。氣血俱受者甚重。自非醫者識見。神手於病者。罕能免此。又有男婦天癸未至。精血未完。氣脉未充。而成配偶。致真氣未足。而先敗。亦成此疾。古人有云。精未通而御女。四體有不滿之處。異日有難狀之疾。誠斯



言也經云脉風成厲此症非止肺臟有之以其病發於鼻從俗呼為肺風也鼻準腫赤脹大而為瘡乃血隨氣化也氣既不施則血為之聚血既以聚則使肉爛而生蟲也生蟲者厥陰主之以藥緩疎之孫真人云吾嘗醫此疾甚重卒無全者惟一婦人寡居淡薄而獲安愈得斯症者須當遠離房室靜居茹淡隨時調治猶云庶幾雖治全愈若不絕味色又不免乎再發則終不救矣

治風癩鼻準腫赤脹大瘡爛者以葛根升麻湯方見三卷內下

瀉青丸

方瀉青丸

當歸

龍胆草

川芎

山梔仁

羌活

防風

大黃

濕紙包煨熟各等分

右件依法製度為末。煉蜜為丸。如芡實大。每服半丸。看小兒大小加添煎竹葉湯調砂糖化下。

治諸屬風以凌稍花散主之。服後於浴室住湯中一時。或服天

麻湯。

方凌稍花散

凌稍花 五錢

蟬殼

地龍

白殭蚕

全蝎 各七枚

右件製度為末。每服二錢。溫酒調服。依前法行服藥則效。

方天麻湯

胡麻 半升

天麻 二兩

乳香 七錢五分

右件為細末。每服五錢。臘茶調下。一日三服。

治大風疾以淋洗如聖散浴之。

方淋洗如聖散

頑荆子

苦參

玄參

紫參

厚朴

荆芥

沙參

陳皮

麻黃

各一兩

蔓荆子

防風

白芷

威靈仙

各二兩

桃枝

柳枝

各一把

右為末水五升藥末五錢煎數沸臨臥熱洗之神效

治大風疾遍身癢疹瘙痒麻木在上以醉仙散

方醉仙散

枸杞子

胡麻子

蔓荆子

牛蒡子

各五錢已上一處同炒

白蒺藜

苦參

天花粉

防風

各五錢

輕粉

四錢

右為末每服一錢茶清調下空心日午臨臥各一服服後六

七日先於牙縫內出臭黃涎或惡血渾身疼痛昏悶如醉

以後便利濃血病根乃去在下以通天散取惡物於穀道  
中出之即愈

**方** 通天散

大黃

獨生皂角

各一兩俱生

右件依法脩合為細末每服二錢臨臥時以冷酒調下俱量  
病之大小虛實加減與之症候重而急者視診脉浮緩者  
易治洪大而數者難愈又云沉實者難愈黑者不治大都  
未必盡由於風亦有嗜慾勞動氣熾血熱汗泄不避而風  
冷濕使淫氣與衛氣相干不得施化血聚則肉爛而生蟲  
食肝眉落食脾鼻崩食肺聲啞食心足底穿膝虛腫食腎  
耳鳴啾啾耳弦生瘡或痒或痛如針刺狀食身則皮痒如  
蟲行治療大法先以再造散下之以稀粥養半月為愈

方再造散

大黃

獨生皂角

鬱金

名壹兩銀半

白牽牛

半生半炒取頭末六錢

右件依法製度為細末每服二錢臨臥冷酒調下。

治身上虛痒。此血不榮於腠理所致痒也。以四物湯加酒黃芩。

方見三卷內

煎調紫背浮萍末服。痒其加荆芥蟬蛻。

方浮萍散

紫背浮萍

三錢

荆芥

川芎

甘草節

白芍藥

麻黃

當歸

各一錢五分

豆豉

葱白

二枚

右為末每服二錢或同煎劑調服

治薦瘋須常服黃精丸。生血祛毒。

方黃精丸

蒼耳葉

紫背浮萍

大粟子

各生色取汁

烏梢蛇

黃藥

生地黃

甘草節

黃精

各等分

右件依法製度與前三味生汁和搗細焙乾為末麩糊為丸

如梧桐子大每服七十丸溫酒食前送下

治大瘋血虛以四神丹常餌之

方四神丹

菘活

玄參

熟地黃

當歸

各等分

右件依法製度為末煉蜜為丸如梧桐子大每服七十丸白

湯空心送下

治

癩疾及癬瘡以浮萍散主之服取微汗

方見本卷前

〔病〕眼斷白人鼻梁崩塌皮膚瘡疥手足皴裂睡臥不穩步履艱

辛筋骨疼痛四肢少力兼治紫白癩風以何首烏甘菊花

之類

〔方〕首烏甘菊散

何首烏

蔓荊子

石菖蒲

刺芥穗

甘菊花

枸杞子

威靈仙

苦參

各等分

右為細末每服三錢蜜茶不拘時調服

〔病〕大瘋癩疔連頸極痒毛已脫榮衛熱附其氣不清故使鼻柱

崩壞皮膚色敗以補氣瀉榮湯

〔方〕補氣瀉榮湯

什麻

連翹

各六分

桔梗

五分

生地黃

黃芩

各四分

蘇木

黃連

黃芪

全蝎

地龍

各三分

人參 二分 當歸 三分

桃仁 二枚 甘草 一分五釐

右作一服用水二鍾酒一鍾同煎一鍾去渣入後項末煎至

八分上午服。

白豆蔻 二分

梧桐淚 一分

水蛭 三枚

黃蠱 三枚

麝香

少許俱另研為末

**(病)** 手足頭面白屑痒瘡皮膚皴燥以白花蛇丸治之。

**(方)** 白花蛇丸

白花蛇

一條頭尾各去二寸無灰好酒浸春三夏一秋冬四日慢火炙去皮骨用肉切碎曬乾入劑。

防風 一兩

當歸 二兩

川芎

白芍藥

荆芥

黃芩

酒浸各一兩

胡麻子

連翹

何首烏

升麻

羌活

桔梗

生地黃

各一兩

右件各依修製同為細末黃蛇酒和水打麵糊為丸如梧桐



子大每服六七十九上體多食後下體多食前用茶服外  
用摩風膏常搽。

方 摩風膏

瓜蒌實

一枚去外硬皮用穰并仁俱搥碎

白芷

四錢

廣零香

四錢

甘松

二錢

防風

白芨

白歛

赤芍藥

黃芪

各一錢五分

杏仁

一錢

甘草

一錢

右件剉碎用菜油一斤或芝麻油浸二日慢火炙藥色黃瀝

去渣另放將好松香四錢先入鍋內熬熔方下藥油再煎

一沸入黃蠟四兩不住手慢火攪勻磁器收貯

治大瘋之疾用搜風順氣丸服之順氣祛毒

方 搜風順氣丸

車前子

一兩五錢

白檳榔

大麻子

炒去殼另研

耶李仁

兔絲子

牛膝

山藥

力一兩

枳殼

防風

獨活各

大黃

五錢半生半熟

右件依法製度為末煉蜜為丸如梧桐子大每服二十九用

酒茶米湯下早晨臨臥各一服

○痔疾

夫痔既有數種之形症治法豈能拘一也若肛邊發露肉珠狀如鼠乳時時滴潰膿血名曰牡痔肛邊生瘡腫突出一枚數日膿潰即散名曰乳痔腸口顆顆發壘且痛且痒出血淋漓名曰脉痔腸內結核有血寒熱往來登廁脫肛名曰腸痔每遇大便清血隨下而不止名曰血痔每遇飲酒發動瘡痛而流血名曰酒痔憂恐鬱怒適臨乎前立見腫痛大便艱難強力而肛出不收名曰氣痔其形有六如蓮花鷄冠核桃小如牛乳鷄心鼠尾

櫻桃之狀。或藏肛門之內。或突出於外。原其所因。皆由風熱乘  
食飽不通氣。逼大腸而作。或醉飽行房。恣泄前因之氣。歸於大  
腸。木乘火勢而侮燥金。故火就燥也。大腸閉澀。必作大痛。蓋熱  
則血傷。血傷則經滯。經滯則氣逆行。血與氣乘虛而墜入大腸。  
此所以爲痔也。經曰。因而飽食。筋脉橫解。腸澀爲痔。故受病者  
燥氣也。爲病者胃熱也。胃刑大便。則化燥火。以成燥熱之實。勝  
風附熱而來。是濕熱風燥。四氣相合。故大腸頭成塊者。濕也。作  
大痛者。熱也。大便燥結者。主病兼受火邪熱也。當去此四者。其  
西方金主諸氣。其體收下。亦助病爲邪。須當以順氣藥兼之也。  
其疾甚者。當以苦寒瀉火。解其熱毒。以辛溫和血潤燥。疎風止  
痛。是其治也。殊不知毒深其狀大。毒淺其形小。或流膿水。或出  
鮮血。行坐之間。病者深爲之苦。久而不愈。血氣衰弱。必致穿穴。

成漏又有無痔肛門左右別有一竅流出膿血名曰草漏俱當  
戒酒遠色少勞茹淡以勿沉痼之苦豈不妙哉。

○脉症備詳

脉小實者易治。浮洪軟者難治。

痔病因風熱燥三者歸於大腸而成必須清熱涼血為本當以  
槐花條芩黃連等清熱歸地涼血枳殼疎大腸之滯升麻  
清累提氣。

如成漏必須先以大劑參芪歸木為主以補之外以附子為末  
津吐捏餅子如錢厚以艾炷灸之令微熱勿使痛乾則易  
之或用十全大補湯濃煎成膏貼之亦效。

病痔漏有膿血大便結硬而作疼痛以秦朮白朮丸主之。

方秦朮白朮丸

秦艽

桃仁

另研

皂角仁

燒存性各一面

當歸身

澤瀉

枳實

白木

各五錢

地榆

三錢

右件依法製度為末。麩糊為丸。如芡實大。令藥光滑焙乾。每

服五六十丸。白湯空心送下。服待少時以美物壓之。

痢痔漏每大便時發痛疼如無疼痛者非痔漏也。以主芫防風

方秦芫防風湯

秦芫

防風

當歸身

白木

各一錢五分

甘草

炙

澤瀉

各六分

黃蘗

九分

大黃

煨

橘皮

各三分

柴胡

升麻

各二分

桃仁

三十枚

紅花

少許

右咬咀水煎熟空心服。

治痔漏疼痛大便燥硬以秦芫蒼木湯。

方秦芫蒼木湯

秦朮 一錢五分

蒼朮

防風 各一錢

當歸 八分

澤瀉

大黃 各五分

檳榔

桃仁 另研一錢

黃蘗 酒炒八分

皂角仁

燒存性為末一錢

右咬咀先用水二盞煎至一盞入檳榔皂角仁桃仁再煎至

八分空心服待少時以美物壓之不犯胃也

如有白膿加白葵花

五朵去心細煎

青皮

五分

木香

五分

依前皂角仁同入

〔病〕痔漏成塊下垂不任其癢以秦朮薏活湯

〔方〕秦朮薏活湯

薏活 一錢二分

秦朮

黃芪

各一錢

防風

七分

升麻

甘草 灸

麻黃

柴胡

各五分

藁本

三分

細辛 二分

紅花 一分

右改咀水煎熟空心服。

〔病〕痔漏大便硬難出天腸頭下血苦痛不能忍以當歸郁李仁

湯王之。

〔方〕當歸郁李仁湯

郁李仁 秦艽 麻仁 枳實 大黃

澤瀉 生地黃 蒼朮 當歸鬚 皂角仁另為末

右改咀水煎熟調皂角仁末空心服

〔治〕痔漏經年不愈以紅花桃仁湯

〔方〕紅花桃仁湯

紅花少許 桃仁十枚 澤瀉八分 蒼朮六分

當歸鬚 防己 防風梢 猪苓各五分

麻黃二分 生地黃一錢 黃蘗一錢五分

右咬咀水煎熟食前服

治痔漏大便結硬疼痛以秦艽當歸湯

秦艽當歸湯

秦艽 大黃 喂量人虛實用 枳實 各一錢 當歸梢

澤瀉 皂角仁 白木 各五分 紅花 少許 桃仁 二十枚

右咬咀水煎熟溫服

病痔腫疼痛大便下紫血迫促以犀角地黃湯主之加人參黃

芩地榆當歸 方見三卷內

治痔疾疼痛以洗痔湯熏洗或以蟹黃汁熏洗尤好或冬瓜皮

煎湯常洗

洗痔湯

枳殼 五錢 朴硝 三錢五分 薄荷 五錢 乾蓮房



荆芥 各一兩

右咬咀煎湯乘熱熏濕淋洗痔処

或加槐花 五錢 黃芩 三錢 艾葉 五錢

治腸風下血痔漏疼痛以槐角丸主之 方見七卷內

病痔腫疼痛大便燥結以涼血寬腸湯

方涼血寬腸湯

當歸 生地黃 黃芩 各一錢 黃柏 七分 枳殼 八分

荆芥 甘草 各五分 防風 六分 桃仁 七枚

大黃 五分看虛實用

右咬咀水煎熟空心温服。

病濕熱內甚因而飽食腸癖為痔久而成瘻以香殼黃連丸主

之。

方香殼黃連丸

木香

荊芥穗

黃蘗

各三斤

枳殼

厚朴

各五斤

黃連

一兩

蝟皮

一介燒灰

當歸

四錢

右件依法製度為末麩糊為丸如梧桐子大每服三十九丸熱水食前送下一日三服

病肛邊如鼠乳時時潰膿血流出或生肉如鼠乳在孔中頗出

在外妨於更衣此名牡痔以蠶甲主之腫痛生瘡或從孔

中起外腫五六日自潰流出膿血此名牡痔以蝟皮主之

肛邊有瘡痛或更衣出清血此名脉痔以蜂房主之肛邊

核種發寒熱或更挺出久乃縮上此名腸痔以母猪左足

懸蹄甲主之大便清血隨大便汚衣此名血痔及遇氣寒

濕勞濕即發疼腫者並以蛇蛻皮主之五藥皆下篩等分

隨其病倍其主藥但以井花水服半方寸。七病甚者日晡亦  
亦可四五服即瘥。

病痔疾疼痛其人氣血虛者以涼血益氣之劑。

方涼血益氣湯

人參

黃芪 各一錢

生地黃

川芎 各八分

升麻

條黃芩

枳殼

槐角 各五分

當歸 八分 黃連 三分

右吹咀水煎熟空心服。

治諸痔熱甚大便閉結者以清涼飲主之。

方清涼飲子

當歸

赤芍藥

甘草 炙

大黃

蒸各等分

右件依法製度爲末每服二錢新汲水調下。

治諸痔出血裏急疼痛以蝟皮丸主之。

方蝟皮丸

蝟皮炙

槐花炒

艾葉

枳殼

地榆

當歸

川芎

黃芪

白芍

貫仲

白礬

栝各一兩

頭髮

五錢燒灰存性

猪後蹄甲

十个炙焦

皂角

一大定炙黃去皮筋

右件依法製度為末煉蜜為丸如梧桐子大每服五十九米

湯食前送下

治酒多成痔以乾葛湯

方乾葛湯

乾葛一錢二分

枳殼

半夏

茯苓

黃芩

生地黃各八分

杏仁五分

甘草四分

黑豈

一百粒

白梅 一枚

生薑 五片

右咬咀水煎熟空心服。

治氣痔遇氣即發以香橘湯。

方橘香湯

橘皮 一錢

枳殼 八分

川芎

槐花

桃仁

紫蘇

香附 各五分

檳榔

木香 各四分

甘草 三分

右咬咀用生薑三片。枣子一枚水煎熟不拘時服。

病氣虛不能拘攝濕熱以致下流大腸而作熱症是也。

治法當補氣調血為主。清理濕熱為標。是以用四黃湯。

方四黃湯

人參 一錢

黃芪 八分

川歸 一錢

川芎 六分

生地黄一錢 黃芩二錢 黃連二錢 槐花三分

枳殼一錢 升麻七分

右水二鍾煎一鍾不拘時服。

〔病〕原有痔漏。又於肛門邊別生一塊皮厚腫痛作膿。就在痔孔流出。作食積注下。以黃連散。

〔方〕黃連散

黃連 阿膠 神麩 杏仁 桃仁

海藻 黃蘗 連翹 各等分

右件依法修合為細末。以少許置掌中。時時舐之。津液嚥下。如消三分之一。止後服。

〔治〕陰血不足痔疾疼痛。以加味地黃丸三之。

〔方〕加味地黃丸

熟地黃 酒浸研如泥八錢 牡丹皮 白茯苓

澤瀉 各三錢 山茱萸 山藥 各三錢 黃蘗 炒 槐角

杜仲 白芷 各五錢 獨活 四錢 黃芪 七錢五分

白附子 錢 知母 三錢

右俱依法製，共為細末，用煉蜜為丸，如梧桐子大，每服五十丸，用米湯空心送下。

〔病〕痔瘡未成漏者，以五倍子為末，每一錢加龍腦一分，研勻，鷲膽汁調敷。

〔病〕痔瘡成漏，經年不愈，以神效松金散，用鳳尾草煎湯洗淨，一日三次乾敷，須滿一月，藥足全功，不許行動。方見七卷內。

〔病〕一切諸痔，下血不止者，此乃氣虛血熱所致。

〔治〕法當補氣涼血，止血去滯，以散風也。

方芎歸丸

黃芪

兩半

川芎

一兩

槐花

三兩

地榆

二兩

阿膠

一兩

頭髮灰

五錢

神麩

一兩

荆芥

一兩

一本有木賊

右件共為細末。煉蜜為丸。如梧桐子大。每服五十丸。空心以

米飲送下。

○漏瘡

夫漏者。諸瘻之遺漏也。有狼瘻。鼠瘻。螻瘻。蝘瘻。蝓瘻。蜂瘻。虻瘻。蟻瘻。浮蛆瘻。轉筋瘻。古所謂九瘻是耳。析而言之。三十六種。其名目又不同焉。大抵外傷四氣。內寤七情。與夫飲食乖常。染觸蠱動。含靈之毒。未有不變為瘻瘡。穿扎一深。膿汁不盡。得冷而風邪併之。於是消消而成漏矣。然有近年漏者。有久年漏者。近



則常痰紅或微腫或小核久則上而槁白內而黑爛淫毒惡息  
生焉治法補氣生血藥劑服之外以黑附子為末唾津和作餅  
子如錢厚以艾灸之隨漏大小作炷但灸今微熱不可使扁乾  
則易之用研為末作餅再灸如困則止來日再灸直至肉平為  
效或附子作片炙之仍須補藥煎膏常服尤妙當隨症而治不  
泥已見恐悞之也

○脈症微言

經曰陷脈為癭留連肉腠是也。

又云因而飽食筋脈橫解腸癖為漏瘡是也。

治冷痛以乳香凡主之。

方乳香丸

乳香 三錢

牡蠣 三錢五分

右件依法製度為細末。膏糊為丸。如麻子大。每服二十九。  
薑湯空心送下。

治漏瘡外。以生地黃膏貼內。以寧肺膏主之。

方 生地黃膏

露蜂房

五倍子

木香

各三錢

乳香 一錢

輕粉 二分五釐

右為細末。用生地黃一握搗細。和為膏。攤絹上貼患處。

方 寧肺膏

枇杷葉

欵冬花

紫苑

杏仁

木通

桑皮 各五兩

大黃

蒸熟二兩九錢

右為細末。煉蜜為丸。如梧子。用白滾水化服。

治漏瘡血水不止。以蛇蛻散敷之。

方蛇蛻散

蛇蛻 焙焦

五倍子

龍骨 各二錢五分

續斷 五錢

麝香 少許

右件共為細末津吐調搽。

治漏瘡以艾葉散熏之。

方艾葉散

艾葉

五倍子

白膠香

苦棟根

右件各等分為細末作香炷放在長桶內坐熏瘡處。

病漏瘡孔中多有惡穢之物以露蜂房白芷苦參煎湯無風處

洗又有鳳尾草煎湯洗淨每一日三次以神妙松金散乾

敷須守一月藥足功成矣。

破傷風

夫破傷風者。爲跌撲。或金刃傷損。入風作腫。其患非輕。失治不  
救。若犯頭目青黑。額上汗珠不流。眼小目瞪。身上汗出如油。爲  
之四惡。但見不可治也。又云。內經曰。風者百病之始也。清淨則  
腠理閉拒。雖有大風苛毒。而弗能爲害也。若夫破傷風症。因事  
擊破皮肉。往往視爲尋常。殊不知風邪乘虛而客襲之。漸而變  
爲惡候。又諸瘡久不合口。風邪亦能內襲。或用湯淋洗。或將艾  
焚灸其湯火之毒氣。亦與破傷風邪無異。其爲症也。皆能傳播  
經絡。燒爍真氣。是以寒熱間作。甚則口噤目邪。身體強直。如角  
張反張之狀。必在旦夕。誠可憫之。學者當圓机化裁。用之不可  
悞。執汗下和。并錯施治。反執文造室也。慎之。

○麻症指正

表脉浮而無力。太陽經也。○

脉長有力陽明經也。

脉浮而弦小者少陽也。

河間曰太陽宜汗陽明宜下。少陽宜和解此之謂也。

法當同傷寒處治。因其有在表在裏半表半裏三者之不同。故

不離乎汗下和三法也。是故有表者汗之。在裏者下之。在

半表半裏之間者宜和。解之又不可過其法也。

**病**破傷風邪。初在表者以羌活防風湯主之。

**方**羌活防風湯

羌活 防風 各一錢五分

川芎 一錢二分 藁本 一錢

當歸 芍藥 各一錢

細辛 四分 甘草

地榆 各五分 ○如熱者加苓 一錢

右咬咀水煎熟。食遠溫服。

病破傷風在半表半裏者以羌活石膏湯

方羌活石膏湯

羌活

甘菊花

麻黃

防風

前胡

各一錢

川芎

白茯苓

黃芩

各八分

蔓荊子

石膏

各六分

細辛

枳殼

各五分

甘草

炙

香白芷

各三分

右咬咀用生薑五片水煎食遠溫服

治破傷風大汗不止筋掣搐搦以白木升麻湯汗甚倍加黃芪

方白木升麻湯

白木

升麻

黃芩

各一錢

黃芪

二錢

乾葛

五分

甘草

六分

右咬咀水煎熟食別溫服

破傷風手足顛掉不已以硃砂指甲散主之

**方** 硃砂指甲散

人手足指甲

炒烟起六錢

獨活

硃砂 另研

天南星

量製各一錢

右件法修合為細末分作三服酒調下

**治** 破傷風及洗頭風以烏梢蛇散

**方** 烏梢蛇散

烏梢蛇

浸一夕炙去骨皮六錢

麻黃 一兩

良薑

黑附子

炮

川芎

白附子

炮

天麻

各五錢

蝎梢 二錢五分

右依法製度為細末每服一錢熱酒調食遠服覺麻以菜豆

湯解

治破傷風若服風藥過多有自汗者以白朮黃芪湯

方白朮黃芪湯

白朮 黃芪 防風 各等分

右咬咀水煎熟食煎溫服

治破傷風若大便閉結以芎藭湯下之如氣弱者用猪胆汁法

或蜜導法通之 二方見七卷內

方芎藭湯

川芎 黃芩 各一錢 羌活 一錢五分 大黃 看靈實用

右咬咀水煎熟食煎溫服

病破傷風搐瘛不已以蠲瘛湯若表未解急以前藥末地榆加

川芎若病久衰弱當養血榮筋以養血湯

方蠲瘛湯



羌活 獨活 地榆 防風 各等分

○若熱加黃芩一錢  
○有痰涎加半夏一錢

右咬咀水煎食遠溫服

方養血湯

藁本 七分 防風 白芷 細辛 各五分 川芎

白芍藥 當歸 熟地黃 各一錢

右咬咀水煎熟食前溫服

破傷風症法當踈散風邪故用天麻等諸辛開通經絡以散

風邪也

方天麻丸

天麻 五兩 川烏 五錢 草烏 五錢

雄黃 七錢 另研末臨熱入藥為衣

右件共為細末酒糊為丸如梧桐子大每溫酒下一二十九為愈

予思此方用之及新中風寒者甚効如挾虛之人用此愈取其禍宜慎之

〔病〕瘡瘍破傷風邪身體疼痛風邪攻注壅急皮膚癢痒麻木仁頭昏牙緊以防風散主之

〔方〕防風散

防風

藁本

地骨皮

荆芥穗

羌活 各五錢

右件共為細末每服三錢溫酒調服

○陰部

蓋前陰乃厥陰肝之脉絡循陰器出其挺末凡臭心之所主入

肝為燥臭也。又有陰痿汗出如水囊濕。臍圓冷如水者，乃濕弱也。

病陰部熱痒及臊臭，以龍胆瀉肝湯。

方龍胆瀉肝湯

柴胡梢

澤瀉 各一錢

車前子

木通 各五分

生地黄

當歸梢 各七分

草龍膽 三分

右咬咀，水煎，空心服，善脂壅之。

病小便黃赤，臊臭淋瀝，兩丸如冰，陰汗浸多，以清震湯主之。

方清震湯

羌活

黃蘗 酒洗 各一錢

升麻

柴胡 各五錢

蒼朮

黃芩 各五錢

澤瀉 四分

麻黃根

猪苓

防風 各三分

甘草 炙

當歸身

藁本 各二分 紅花 一分

右咬咀水煎熟臨臥溫服

病兩丸冰冷前陰痿弱陰汗如水小便後有餘滴尻臀并前陰

冷惡寒而喜熱膝下亦冷以固真湯治之

方固真湯

升麻 羌活 柴胡 各一錢 甘草 草龍胆

澤瀉 各一錢五分 黃蘗 知母 各二錢

右咬咀水煎熟空心溫服

病兩外腎冷兩髀陰汗前陰痿弱陰囊濕痒臊氣以柴胡濕勝

湯主之

方柴胡濕勝湯

柴胡 甘草 黃蘗 酒浸 錢 升麻 澤瀉 各七分半

當歸鬚 羌活 防已 麻黃根 茯苓

草龍胆 各五分 紅花 撮撮 五味子 干枚

右咬咀水煎食前温服。

病陰冷陰汗兩脚痿弱無力以補肝湯主之。

方補肝湯

黃芪 七分 甘草 五分 升麻 猪苓 各四分 白茯苓

葛根 人參 各二分 柴胡 羌活 橘皮

連翹 黃蘗 炒 當歸身 澤瀉 蒼朮

神麴 知母 防風 各二分

右咬咀水煎熟空心服。

病身面瘦黃脚弱無力陰汗自出以濕腎湯治之。

方濕腎湯

柴胡

麻黃根

各二分

白朮

猪苓

白茯苓

升麻

黃蘗

各一

蒼朮

防風

各一錢五分

澤瀉 二錢

右咬咀水煎熟食前溫服。

〔病〕陰囊濕痒用蛇床子四錢荆芥獨活各二錢煎湯乘熱淋洗

為愈

〔病〕下焦濕腫極痛并膀胱有大邪者必用酒洗防已龍胆草黃

栢蒼朮

〔治〕大濕用蒼白二朮為君補脾為主然亦濕盛氣滿膨脹者又

不可執此當要行氣利水為主而又以二朮為佐有其緩

急而治不可無變。